

“XXVI CONCURSO - DESFILE DE RONDALLAS CONCELLO DE VIGO”
B A S E S

(Aprobado en Xunta de Goberno de data 11 de decembro de 2006)

Primeira.- A Concellería de Festas e Animación Sociocultural do Concello de Vigo organiza o **“XXVI Concurso – Desfile de Rondallas Concello de Vigo”** que terá lugar o día 7 de xaneiro de 2007, ás 12,00 horas na cidade de Vigo.

O percorrido previsto para o desfile é García Barbón (dende o cruce con Serafín Avendaño), Policarpo Sanz e Porta do Sol (remate).

Segunda.- Neste concurso – desfile poderán participar todas aquelas agrupacións que teñan un mínimo de 40 compoñentes e un máximo de 120. O número máximo de agrupacións participantes límitase a 12 (doce). Como único criterio de selección establécese a orde de inscrición no Rexistro Xeral do Concello de Vigo. Aquelas inscricións realizadas antes ou despois do prazo estipulado nestas bases non serán admitidas calquera que sexa a causa.

Terceira.- As inscricións para este concurso deberán presentarse no Rexistro Xeral do Concello, en impreso normalizado, **dende o 11 ó 20 de decembro de 2006, ambos inclusive**. Así mesmo, deberase acompañar á inscrición, unha certificación bancaria e fotocopia compulsada do CIF ou NIF segundo proceda.

As bases publicitaranse a través de anuncio nos medios de comunicación local nos días previos ó comezo do prazo e estarán a disposición dos/as interesados/as no citado rexistro e na web municipal.

Cuarta.- Os premios do concurso serán os seguintes:

PRIMEIRO CLASIFICADO: 2.500 euros.

SEGUNDO CLASIFICADO: 2.200 euros.

TERCEIRO CLASIFICADO: 1.600 euros.

Todas as agrupacións participantes percibirán 1.000 euros cada unha. Establécese un premio único de 500 euros, ó conxunto de abandeirados.

Todos os premios estarán suxeitos á normativa fiscal que proceda aplicar.

Quinta.- A orde de actuación das rondallas inscritas quedará determinado nun sorteo que se realizará na Casa do Concello, **o día 21 de decembro ás 12'00 horas**. Recoméndase que a este sorteo acuda un/unha representante de cada rondalla inscrita. Nesta mesma reunión entreganse as **“normas de participación no desfile-concurso”**, a aceptación das mesmas por escrito será condición indispensable para poder participar.

Sexta.- O xurado do concurso calificará entre 0 e 10 puntos enteiros cada un dos seguintes elementos:

- Vestimenta de toda a rondalla
- Instrumentación musical
- Evolución no desfile de toda a rondalla

Sétima.- Cada agrupación desfilará con **música de pasacorredoiras** o longo do percorrido previsto, e realizará unha parada obrigatoria no lugar indicado pola organización de **tres minutos de duración** para realizar a interpretación que estime oportuna. Membros da organización computarán o tempo da parada. O lugar previsto para a realización desta interpretación é **no cruzamento da rúa Colón con Policarpo Sanz**, onde estará situado o xurado.

Oitava.- Establécense as seguintes penalizacións por exceso de tempo na interpretación:

- 10 puntos.- polo primeiro minuto ou fracción
- 20 puntos.- polo segundo minuto ou fracción
- 30 puntos.- polo terceiro minuto ou fracción

Novena.- Descualificarase inmediatamente a unha agrupación nos seguintes casos:

No desfile:

- Por cambio de dirección dos integrantes da rondalla o longo do desfile. Soamente poderán realizar cambios de dirección os abandeirados.
- Por non atender as indicacións da organización o longo do desfile.
- Por solicitar ou admitir donativos do público asistente o evento.
- Por realizar paradas o longo do percorrido. Quedan excluídas as **paradas técnicas** necesarias para o correcto desenvolvemento do acto, e que serán indicadas polo persoal de organización.

Na interpretación na parada obrigatoria:

- Cando o exceso de tempo da interpretación supere os tres minutos;
- Cando figuren no desfile menos de 40 compoñentes;
- Cando entre os seus compoñentes ou concursantes, figuren “majorettes”.

Décima.- Os himnos oficiais dos estados e das comunidades autónomas non poderán ser incluídos nos repertorios que executarán as rondallas participantes.

Décimo primeira.- A rondalla clasificada no primeiro lugar do concurso abrirá o desfile do ano 2008.

Décimo segunda.- O xurado do concurso estará composto polos seguintes membros:

- **Presidente:** O concelleiro de Festas e Animación Sociocultural do Concello de Vigo ou persoa en quen delegue.
- **Vocais:** Director da Escola Municipal de Danza ou a persoa desta na que delegue.
- Tres persoas relacionadas con temas musicais, etnográficos, folclore ou cultura tradicional.
- **Secretario:** Un funcionario ou funcionaria do Concello de Vigo, con voz e sen voto. O presidente do xurado dispón de voto de calidade para resolver os posibles empates.

Décimo terceira.- O Concello de Vigo resérvase o dereito de que este concurso sexa financiado por unha firma comercial.

Décimo cuarta.- O concelleiro de Festas e Animación Sociocultural mailo xurado do concurso quedan facultados para resolver as posibles eventualidades e dúbidas que puidesen xurdir, non previstas nestas bases.

Décimo quinta.- A participación neste concurso supón a aceptación de todas e cada unha destas bases. A decisión do xurado será inapelable.

Vigo, decembro de 2006.

CONCURSO- DESFILE DE RONDALLAS CONCELLO DE VIGO

Solicitud de inscrición

A.- Datos da persoa solicitante ou representante da entidade:

1º APELIDO	2º APELIDO	NOME	
ENDEREZO: RÚA, PRAZA...	NÚM	PISO	LETRA
LOCALIDADE	CÓD. POSTAL	NIF	
TELÉFONO	FAX		

B.- Datos da entidade para a que se solicita a inscrición:

DENOMINACIÓN

ENDEREZO: RÚA, PRAZA...	NÚM	PISO	LETRA
LOCALIDADE	CÓD. POSTAL	NIF OU CIF	
TELÉFONO	FAX		

DATOS BANCARIOS

Entidade:	Oficina:	Núm conta:
-----------	----------	------------

(Imprescindible achegar certificación bancaria e fotocopia do CIF ou NIF)

NÚMERO TOTAL DE PARTICIPANTES QUE A INTEGRAN :

Vigo,de decembro de 2006.
O/A SOLICITANTE SELO DA ENTIDADE

ILMA. SRA. ALCALDESA-PRESIDENTA DO EXCMO. CONCELLO DE VIGO.

